

書曰經集註

十

5 仁8

559

10止



門 七 18
5 29
卷 10



書經集註卷之十

畢命

康王以成周之衆命畢公保釐此其冊命也。今文無古文有。○唐孔氏曰漢律歷志云康王畢命豐刑曰惟十有二年六月庚午肅王命作冊書豐刑此偽作者傳聞舊語得其年月不得以下之辭妄言作豐刑耳亦不知豐刑之言何所道也。

森鴻次郎

氏寧贈

明治廿五年十一月廿七日

惟十有二年。六月庚午。越三百壬申。王
朝步自宗周。至于豐。以成周之衆。命畢公
保釐東郊。

康王之十一年也。畢公嘗相也。文王故康王就豐
文王廟命之成周下都也。保安釐理也。保釐即下
文旌別。必列及淑慝之謂。蓋下代之治體。一篇之
宗要也。

王若曰。嗚呼。父師。惟文王武王。敷大德于
天下。用克受殷命。

畢公代周公為太師也。文王武王布大德于天下。
用能受殷之命。言得之之難也。

惟周公左右先王。綏定厥家。罔殷頑民。遷
于洛邑。密邇王室。式化厥訓。既歷三紀。世

變風移四方無虞予一人以寧

十一年曰紀天子曰世周公左右文武成王安定國家謹愆頑民遷于洛邑審近王室用化其教既歷三紀世已變而風始移今四方無可虞度各之事而予一人以寧言化之之難也

道有升降政由俗革不滅厥滅民罔攸勸

有升有降猶言有隆有污也周公當世道方降之時至君陳畢公之世則將升於太猷矣為政者因俗變革故周公誌殷而謹厥始君陳有容而和厥

中皆由俗為政者當今之政旌別淑慝之時也苟不善其善則民無所勸慕矣

惟公懋德克勤小物彌亮四世正色率下

罔不祗師言是嘉績多于先王予小子垂拱

仰成

懋盛大之義予懋乃德之懋小物猶言細行也言畢公既有盛德又能勤於細行輔導四世風采凝峻表儀朝著列位有常處若大若小罔

小子復何為哉。垂衣拱手以仰其成而已。康王將不祗服師訓。休嘉之績。美多於先王之時矣。今我付畢公以保釐之寄。故叙其德業之盛而歸美之也。

王曰。嗚呼。父師。今予祗命。與公以周公之事。

往哉。

今我敬命。公以周公化訓。頑民之事。公其往哉。言非周公所為。不敢屈公以行也。

旌別淑慝。表厥宅里。彰善癉惡。樹之風聲。弗率訓典。殊厥井疆。俾克畏慕。申畫郊圻。慎固封守。以康四海。

淑善。慝惡。癉病也。旌善別惡。成周今日由俗革之政也。表異善人之居里。如後世旌表門閭之類。顯其為善者而病其為不善者。以樹立為善者風聲。使顯於當時而傳於後世。所謂旌淑也。其不率訓典者。則殊異其井里疆界。使不得與善者雜處。

禮記曰不變移之郊不變移之遂即其法也使能
 畏為惡之禍而慕為善之福所謂別慝也圻與畿
 同郊圻之制昔固規畫矣曰申云者申明之也封
 域之險昔固有守矣曰謹云者戒嚴之也疆域障
 塞入聲歲以則易音異下同湮音因世平則易玩時緝而屢
 省反悉井之乃所以尊嚴王畿王畿安則四海安矣

政貴有恒辭尚體要不惟好異尚俗靡靡

利口惟賢餘風未殄公其念哉

對暫謂恒對常之謂異趣去聲完具而已之謂體

衆體所會之謂要政事純上辭令簡實深戒作聰
 明趨浮末好異之事凡論治體者皆然而在高俗
 則充為對病之藥也蘇氏曰張釋之諫漢文帝秦
 任刀筆之吏爭以誣音結疾苛音急察相高其弊徒
 文具無惻隱之實以故不聞其過陵夷至於二世
 天下土崩今以音色齋音夫辨音而而超邁之臣恐天下
 隨風靡爭口辨無其實凡釋之所論則康王以
 告畢公者也

我聞曰世祿之家鮮克由禮以湯陵德實

悖天道，敝化奢麗，萬世同流。

古人論世祿之家，逸樂音恭養其能，由禮者鮮矣。既不由禮，則心無所制，肆其驕蕩，陵蔑有德，悖亂天道，敝壞風化，奢侈美麗，萬世同流也。康王將言，殷士怙後，滅義之惡，故先取古人論世祿者發之。

茲殷庶士，席寵惟舊，怙後滅義，服夷于人。

驕淫矜侈，將由惡終，雖收放心，閑之惟艱。

呂氏曰：殷士憑藉光寵，助發其私欲者，有自來矣。私欲公義相為消長，故怙後必至滅義。義滅則無復羞惡之端，徒以服飾之美，侈之於人，而身之不美，則莫之耻也。流而不反，驕淫矜侈，音和並見。現將以惡終矣。洛邑之遷，式化厥訓，雖已收其放心，而所以防閑其邪者，猶甚難也。

資富能訓，惟以永年，惟德惟義，時乃大訓。

不由古訓，于何其訓。

言殷士不可不訓之也。資，資財也。資富而能訓，則

心不遷於外物而可全其性命之正也然訓非外
立教條也惟德惟義而已德者心之理義者理之
宜也德義人所同有也惟德義以為訓是乃天下
之大訓然訓非可以已私言也當稽古以為之說
蓋善無徵則民不從不由古以為訓于何以為訓
乎

王曰嗚呼父師邦之安危惟茲殷士不剛

不柔厥德允脩

是時四方無虞矣最爾殷民化訓于紀之餘亦何

足慮而康王拳拳以邦之安危惟繫於此其不苟
於小成者如此文武周公之澤其深長也且哉不
剛所以保之不柔所以釐之不剛不柔其德信乎
其脩
矣

惟周公克慎厥始惟君陳克和厥中惟公

克成厥終三后協心同底于道道洽政治

澤潤生民四夷左衽罔不咸賴予小子未

膺多福

殊厥并殪非治之成也使商民皆善然後可謂之成此曰成者預期之也三后所治者洛邑而施去及四夷五畿四方之本也吳氏曰道者致治之道也始之中之終之雖時有先後皆能即其行事觀其用心而有以濟之若出於一時若成於一人謂之協心如此

公其惟時成周建無窮之基亦有無窮之

聞于孫訓其成式惟乂

建立訓順式法也成周指下都而言呂氏曰畢公四世元老豈區區以後世名者而勲德之隆亦豈少此康王所以望之者蓋相期以無窮事業乃尊敬之至也

嗚呼罔曰弗克惟既厥心罔曰民寡惟慎

厥事欽若先王成烈以休于前政

蘇氏曰曰弗克者畏其難而不敢為者也曰民寡

者易音異其事以為不足為者也。前政周公君陳也。

君牙

君牙，臣名。穆王命君牙為大司徒。此其誥命也。今文無「古」字有。

王若曰：嗚呼！君牙，惟乃祖乃父，世篤忠貞。

服勞王家，厥有成績，紀于太常。

王，穆王也。康王孫昭王子。周禮司勳云：凡有功者，銘書於王之太常。司常云：日月為常，畫日月於旌。

旗也。

惟予小子，嗣守文武成康遺緒，亦惟先王

之臣克左右亂四方。心之憂危，若蹈虎尾

涉于春冰。

緒，統緒也。若蹈虎尾，畏其噬。若涉春冰，畏其陷。言憂危之至，以見求助之切也。

今命爾予翼，作股肱心膂，續乃舊服，無忝

祖考

督脊也。舊服忠貞服勞之事。泰尊也。欲君牙以其祖考事先主者而事我也。

弘敷五典。式和民則。爾身克正。罔敢弗正。

民心罔中。惟爾之中。

弘敷者大而布之也。式和者敬而和之也。則有物有則之則。君臣之義。父子之仁。夫婦之別。長幼之序。朋友之信是也。典以設教言。故曰弘敷則以民

辨言故曰式和。此司徒之教也。然教之本則在君牙之身正也。中也。民則之體而人之所同然也。正以身言。欲其所處無邪行也。中以心言。欲其所存無邪思也。孔子曰。子率以正。孰敢不正。周公曰。率自中。此告君牙以司徒之職也。

夏暑雨。小民惟曰怨咨。冬祁寒。小民亦惟

曰怨咨。厥惟艱哉。思其艱以圖其易。民乃

寧。

初大也。暑雨初寒。小民怨次。冒自傷其生之艱難也。
厥惟艱哉者。嘆小民之誠為艱難也。思念其難以
圖其易民乃安也。艱者。饑寒之艱。易者。衣食之易。
司徒敷五典。擾兆民。兼教養之職。此又告君牙以
養民之難也。

嗚呼丕顯哉文王謨丕承哉武王烈啟佑
我後人咸以正罔缺爾惟敬明乃訓用奉
若干先王對揚文武之光命追配于前人

丕大謨謀烈功也。文顯於前武承於後。曰謨曰烈
各指其實而言。是咸以正者無一事不出於正。咸
罔缺者無一事不致其周密。若順對答配匹也。前
人君牙祖父。

王若曰君牙乃惟由先正舊典時式民之
治亂在茲率乃祖考之攸行昭乃辟之有

又
先正君牙祖父也。君牙由祖父舊職而是法之民

之治亂在此而已。法則治，否則亂也。循汝祖父之所行而顯其君之有文，復申戒其守家法以終之。按此篇專以君牙祖父為言。曰：續舊服。曰：由舊典。曰：無忝。曰：追配。曰：由先正。舊典，曰：率祖考。攸行，然則君牙之祖父嘗任司徒之職，而其賢可知矣。惜載籍之無傳也。陳氏曰：康王時，芮伯為司徒，君牙豈其後耶？

問命

穆王命伯冏為太僕正。此其誥命也。今文無古文有。○呂氏曰：陪僕執轡，御之臣。後世視

為賤品而不之擇者，曾不知人主朝夕與居，氣體移養，常必由之。潛消默奪於冥冥之中，而明爭顯諫於昭昭之際，抑末矣。自周公作立政而嘆綴衣虎賁，知恤者鮮。則君德之所繫，前此知之者亦罕矣。周公表而出之，其選始重。穆王之用太僕正，特作命書，至與大司徒畧等，其知本哉。

王若曰：伯冏，惟予弗克于德，嗣先人宅不后。怵惟厲中，夜以興思，寃厥愆。

伯固臣名穆王言我不能于德繼前人居大君之位恐懼危厲中夜以興思所以免其咎過

昔在文武聰明齊聖小大之臣咸懷忠良

其侍御僕從罔匪正人以旦夕承弼厥辟

出入起居罔有不欽發號施令罔有不臧

下民祗若萬邦咸休

侍給待左右者御車御之官僕從太僕群僕凡從

王者承承順之謂弼正救之謂輔文武之君聰明齊聖小大之臣咸懷忠良固無待於侍御僕從之承弼者然其左右奔走皆得正人則承順正救亦豈小補哉

惟予一人無良實賴在右前後有位之士

匡其不及繩愆糾謬格其非心俾克紹先

烈

無良言其質之不善也匡輔助也繩直糾正也非

心非僻之心也。先烈文武也。

今予命汝作大正。正于群僕侍御之臣。懋乃后德。交脩不逮。

大正。太僕正也。周禮。太僕。下大夫也。群僕。謂祭僕。隸僕。戎僕。齊僕。則皆僕之類。穆王欲伯冏正其群僕。侍御之臣。以勉進君德。而交脩其所不及。或曰。周禮。下大夫。不得為正。漢。孔氏以為太御中大夫。蓋周禮。太御最長。下又有群僕。與此所謂正于群僕者。合且與君同車。最為親近也。

慎簡乃僚。無以巧言令色。便辟側媚。其惟

吉士。

巧。好令善也。好其言善其色。外飾而無質實者也。便者。順人之所欲。辟者。避人之所惡。夫側者。姦邪媚者。諛悅。小人也。吉士。君子也。言當謹擇汝之僚。佐無任小人。而惟用君子也。又按此言。謹簡乃僚。則成周之時。凡為官長者。皆得自舉其屬。不特辟除府史胥徒而已。

僕臣正厥后克正僕臣諛厥后自聖后德
惟臣不德惟臣

自聖自以為聖也僕臣之賢否係君德之輕重如
此呂氏曰自古小人之敗君德為昏為虐為後為
縱曷其有極至於自聖猶若淺之為室穆王獨以
是蔽之者蓋小人之蠱其君必使之虛美重心傲
然自聖則謂人莫已若而欲予言莫之遠然後法
家拂士日遠而快意肆情之事亦莫或齟齬語音咀
其間自聖之證既見而百疾從之昏虐侈縱皆其

枝葉而不足論也

爾無昵于儉人克耳目之官迪上以非先

王之典

汝無比近小人克我耳目之官導君上以非先王
之典蓋穆王自量其執德未固恐左右以異端進
而蕩其心也

非人其吉惟貨其士是時瘵厥官惟爾大

弗克祗厥辟惟予汝辜

戒其以貨賄任群僕也言不干其人之善而惟以貨賄為善則是曠厥官汝大不能敬其君而我亦汝罪矣

王曰嗚呼欽哉永弼乃后于彞憲

彞憲常法也呂氏曰穆王卒童之命望於伯冏者深且長矣此心不繼造父輔為御周遊天下將必有車轍馬跡遺其後者果出於僕御之間抑不知伯冏猶在職乎否也穆王豫知所戒憂思深長猶

不免躬自蹈之人心操捨之無常可惧哉

呂刑

呂侯為天子司寇穆王命訓刑以詰四方史錄為篇今文古文皆有○按此篇專訓贖刑蓋本舜典金作贖刑之語今詳此書實則不然蓋舜典所謂贖者官府學校之刑爾若五刑則固未嘗贖也五刑之寬惟處以流鞭扑之寬方許其贖今穆王贖法雖大辟亦與其贖免矣漢張敞以討羌食不繼建為入穀贖罪之法初亦未嘗及夫扶殺入及盜之

罪而蕭望之等猶以為如此則富者得生貧者獨死恐開利路以傷治化曾謂唐虞之世而有是贖法哉穆王巡遊無度財國民勞至其末年無以為計乃為此一切權宜之術以歛民財夫子錄之蓋以示戒然其一篇之書表矜惻怛猶可以想見三代忠厚之遺意云爾又按書傳去聲引此多稱甫刑史記作甫侯言於王作脩刑甫辟呂後為甫歟

惟呂命王享國百年耄荒度作刑以詰詰四

方フ

惟呂命與惟說命語意同先此以見音訓刑為呂侯之言也耄老而昏亂之稱荒忽也孟子曰從獸無厭平聲謂之荒穆王享國百年車轍馬跡遍于天下故史氏以耄荒二字發之亦以見贖刑為穆王耄荒所訓耳蘇氏曰荒大也大度作刑猶禹曰予荒度土功荒當屬音下句亦通然耄亦貶之之辭也

王曰若古且有訓事无惟始作亂延及于平

民罔不寇賊鴟義姦竊尤奪攘矯虔

言鴻荒之世渾厚敦龐。蚩尤始開暴亂之端。驅羽
重火。延及平民。無不為寇。為賊。為鴟。為義。者。以鴟。張跋
扈。為義。矯虔。者。矯詐。虔。劉也。

苗民弗用。劓劓以刑。惟作五虐之刑。曰法。

殺戮無辜。姦始淫為。劓則椽黥。越茲麗刑。

并制罔差有辭。

苗民承蚩尤之暴。不用善而制以刑。惟作五虐之
刑。名之曰法。以殺戮無辜。於是始過為劓。鼻。則耳
椽。黥。面之法。於麗。法者。必刑之。并制。無罪不復
以曲直之辭。為差別。皆刑之也。

民興胥漸。浪浪焚焚。罔中于信。以覆詛盟。

虐威庶戮。方告無辜。于上帝。監民罔有。

馨香德刑。發聞惟腥。

浪浪。民相也。焚焚。亂也。民相漸染。為亂。無復誠

信相與友覆誼盟而已。虐政作威衆被戮者方各告益罪於天。天視苗民，無有馨香德而刑戮發聞。莫非腥穢。呂氏曰：形於聲嗟窮之反也。動於氣臭惡之熟也。馨香陽也。腥穢陰也。故德爲馨香而刑發腥穢也。

皇帝不矜庶戮之不辜，報虐以威，遏絕苗

民無世在下。

皇帝舜也。以書考之。治苗民。命伯夷禹稷皋陶皆舜之事。報苗之虐。以我之威。絕滅也。謂竄與分北。

之類遏絕之使無繼世在下國。

乃命重黎絕地天通，罔有降格。群后之逮

在下，明明棗常，鯀莫無蓋。

重少昊之後。黎高陽之後。重即羲黎即和也。呂氏

曰：治世公道昭明爲善得福爲惡得禍。民曉然知其所由，則不求之渺茫冥昧之間。當二由昏虐民之得罪者，莫知其端，無所控訴，相與聽於神。祭非其鬼，天地人神之典，雜揉瀆亂，此妖誕之所以興。人心之所以不正也。在舜當務之急，莫先於正人。

心首命重黎脩明祀典天子然後祭天地諸侯然後祭山川高卑上下各有分緘限絕地天之通嚴幽明之分群君黜蒿妖誕之說舉皆屏群后及在下之群臣皆精白一心輔助常道民卒善而得福惡而得禍雖鰥寡之微亦無有蓋蔽而不得自伸者也○按國語曰少皞氏之衰九黎亂德民神雜擇家為巫史民瀆齊盟禍災存臻顛項受之乃命南正重司天以屬神北正黎司地以屬民使無相侵瀆其後王宙復九黎之德堯復育重黎之後不忘舊者使復與之

皇帝清問下民鰥寡有辭于苗德威惟畏德明惟明

清問虛心而問也。有辭辭苗之過也。苗以虐為威。以察為明。帝及其道以德威而天下無不畏以德明而天下無不明也。

乃命三后恤功于民伯夷降典折民惟刑禹平水土主名山川稷降播種農殖嘉穀

三后成功惟殷于民

恤功致憂民之功也。典禮也。伯夷降天地人之三禮以折民之和矣。蘇氏曰：失禮則入刑。禮刑一物也。伯夷降典以正民心。禹平水土以定民居。稷降播種以厚民生。三后成功而致民之殷盛富庶也。
吳氏曰：二典不載有兩刑官蓋傳聞之謬也。愚意臯陶未為刑官之時豈伯夷實兼之歟。下文又言伯夷播刑之迪不應如此謬誤。

士制百姓于刑之中以教祗德

命臯陶為士制百姓于刑辟之中。所以檢其心而教以祗德也。○吳氏曰：臯陶不與音預下三后之列。遂使後世以刑官為輕。後漢楊賜拜廷尉。自以代非法家。言曰：三后成功惟殷于民。臯陶不與蓋吝之也。是後世非獨人臣以刑官為輕。人君亦以為輕矣。觀舜之稱臯陶曰：刑期于無刑。民協于中。時乃功。又曰：俾予從欲以治四方風動。惟乃之休。其所繫乃如此。是可輕哉。
呂氏曰：呂刑一篇以刑為主。故歷叙本末而歸之於臯陶之刑。勢不得與伯夷禹稷雜稱。言固有賓主也。

穆穆在上明明在下灼于四方罔不惟德
之勤故乃明于刑之中率又于民斐奕

穆穆者和敬之容也明明者精白之容也灼于四方者穆穆明明輝光發越而四達也君臣之德昭明如是故民皆觀感動盪為善而不能自已也如是而猶有未化者故士師明于刑之中使無過不及之差率又于民輔其常性所謂刑罰之精華也

典獄非訖于威惟訖于富敬已罔有擇言

在身惟克天德自作元命配享在下

訖盡也威權勢也富賄賂也當時典獄之官非惟得盡法於權勢之家亦惟得盡法於賄賂之人言不為威屈不為利誘也敬已心之至無有擇言在身太公至正純乎天德無毫髮不可舉以示人者天德在我則太命自我作而配享在下矣在下者對天之辭蓋推典獄用刑之極功而至於與天為一者如此

王曰嗟四方司政典獄非爾惟作天牧人

爾何監。非時伯夷播刑之迪。其今爾何懲。
惟時苗民匪察于獄之麗。罔擇言人觀于
五刑之中。惟時庶威奪貨。斷制五刑。以亂
無辜。上帝不蠲降咎于苗。苗民無辭于罰。
乃絕厥世。

司政典獄。漢孔氏曰。諸侯也。為諸侯主刑獄而言。

非爾諸侯為天牧養斯民乎。為天牧民。則今爾何
所監懲。所當監者。非伯夷乎。所當懲者。非有苗乎。
伯夷布刑以啓迪斯民。捨臯陶而言伯夷者。探本
之論也。麗附也。苗民不察於獄辭之所麗。又不擇
吉人。俾觀于五刑之中。惟是貴者以威亂政。富者
以貨奪法。斷制五刑。亂虐無罪。上帝不蠲貨。而
而降罰于苗。苗民無所辭。其罰而遂殄滅之也。
王曰。嗚呼。念之哉。伯父伯兄。仲叔季弟。幼
子童孫。皆聽朕言。庶有格命。今爾罔不由

慰日勤爾罔或戒不勤天齊于民俾我一

日非終惟終在人爾尚敬逆天命以奉我

一人雖畏勿畏雖休勿休惟敬五刑以成

三德一人有慶兆民賴之其寧惟求

此告同姓諸侯也格至也參錯訊鞠極天下之勞者莫若獄苟有毫髮怠心則民有不得其死者矣罔不由慰日勤者爾所以自慰者無不以日勤

故職舉而刑當去聲也爾罔或戒不勤者刑罰之用

一成而不可變者也苟頃刻之不勤則刑罰失中

雖深戒之而已施者亦無及矣戒固善心也而用

刑豈可以或戒也哉且刑獄非所持以為治也天

以是整齊亂民使我為一日之用而已非終即康

誥大罪非終之謂言過之當宥者惟終即康誥小

罪惟終之謂言故之當辟者亦終惟終皆非我得

輕重惟在夫人所犯耳爾當敬逆天命以承我一

人畏威古通用威辟之也休宥之也我雖以為辟

爾惟勿辟我雖以之為宥爾惟勿宥惟敬乎五刑

用以成副柔正直之德則君慶於上民賴於下而

安寧之福其未久而不替矣。

王曰呼來有邦有土吾爾祥刑在公爾安

百姓何擇非人何敬非刑何度非及

有民社者皆在所告也夫刑凶器也而謂之祥者刑期無刑民協于中其祥莫大焉及逮也漢世詔獄所逮有至數萬人者審度其所當逮者而後可逮之也曰何曰非問答以發其意以明二者之決不可不盡心也

兩造具備師聽五辭五辭簡于正于五刑

五刑不簡正于五罰五罰不服正于五過

兩造者兩爭者皆至也周官以兩造聽民訟具備者詞證皆在也師衆也五辭麗於五刑之辭也簡核其實也平無可疑也正質也五辭簡核而可信乃質于五刑也不簡者辭與刑參差不應刑之疑者也罰贖也疑於刑則質于罰也不服者辭與罰又不應也罰之疑者也過誤也疑於罰則質于過而有免之也

五過之疵惟官惟反惟內惟貨惟來其罪惟均其審克之。

疵病也官威勢也反報德怨也內女謂也貨賄賂也來干請也惟此五者之病以出入人罪則以人之所犯坐之也審克者察之詳而盡其能也下文屢言以見其丁寧忠厚之至疵於刑罰亦然但言於五過者舉輕以見重也。

五刑之疑有赦五罰之疑有赦其審克之。

簡孚有衆惟貌有稽無簡不聽具嚴大威。

刑疑有赦正于五罰也。罰疑有赦正于五過也。簡核情實可信者衆亦惟考察其容貌周禮所謂色聽是也。然聽獄以簡核爲本苟無情實在所不聽上帝臨汝不敢有毫髮之不盡也。

黑辟疑赦其罰百鍰閱實其罪劓辟疑赦。

其罰惟倍閱實其罪剕辟疑赦其罰倍差。

閱實其罪セヨ宮辟疑赦其罰ハ六百錢閱實其
 罪ヲ大辟疑赦其罰ハ千錢閱實其罪ヲ墨罰之
 屬ハ千劓罰之屬ハ千剕罰之屬ハ五百宮罰之
 屬ハ二百大辟之罰其屬ハ二百五刑之屬ハ三
 千ハ上下比罪ツケルツミ無レ僭亂辭ハ勿用ハ不行ハ惟察アテ惟
 法ラ其審ツミ克セ之セヨ。

墨刻額而涅之也劓割鼻也剕足也宮淫刑也
 男子割勢婦人幽閉大辟死刑也六兩曰錢音閱
 視也倍ハ士百錢也倍差倍而又差五百錢也屬類
 也二千總計之也周禮司刑所掌五刑之屬ハ十千
 五百刑雖增舊然輕罪比舊為多而重罪比舊為
 減也比附也罪無正律則以上下刑而比附其罪
 也無僭亂辭勿用不行未詳或曰亂離辭之不可
 聽者不行舊有是法而今不行者戒其無差誤於
 僭亂之辭勿用今所不行之法惟詳明法意而審
 克之也○今按臯陶所謂罪疑惟輕者降下等而
 罪之耳今五刑疑赦而直罰之以金是大辟宮剕

劓墨皆不復降等用矣。蘇氏謂五刑疑各入罰不降當因古制。非也。舜之贖刑。官府學校鞭扑之刑耳。夫刑莫輕於鞭扑。入於鞭扑之刑。而又情法猶有可議者。則是無法以治之。故使之贖。特不欲遽釋之也。而穆王之所謂贖。雖大辟亦贖也。舜豈有是制哉。詳見篇題。

上刑適輕下服。下刑適重上服。輕重諸罰。

有權刑罰。世輕世重。惟齊非齊。有倫有要。

事在上刑而情適輕。則服下刑。舜之宥過無大康。

誥所謂大罪非終者是也。事在下刑而情適重。則服上刑。舜之刑故無小。康誥所謂小罪非青者是也。若諸罰之輕重。亦皆有權焉。權者進退推移以求其輕重之宜也。刑罰世輕世重者。周官刑新國用輕典。刑亂國用重典。刑平國用中典。隨世而為輕重者也。輕重諸罰有權者。權一人之輕重也。刑罰世輕世重者。權一世之輕重也。惟齊非齊者。法之權也。有倫有要者。法之經也。言刑罰雖惟權變是適而齊之以不齊焉。至其倫要所在。豈有截然而不可紊者矣。此兩句總結上意。

罰懲非死入極于病非佞折獄惟良折獄
固非在中察辭于差非從惟從哀敬折獄
明啓刑書有占咸庶中正其刑其罰其審
克之獄成而孚輸而孚其刑上備有弁兩
刑

罰以懲過雖非致人於死然民重出贖亦其病夫

佞口才也非口才辨給之人可以折獄惟溫良長
聲者視民如傷者能折獄而無不在中也此言聽
獄者當釋其人也察辭于差者辭非情實終必有
差聽獄之要必於其差而察之非從惟從者察辭
不可偏生猶曰不然而然所以審輕重而取中也
哀敬折獄者惻怛敬畏以求其情也明啓刑書有
占者言詳明法律而與衆占度也咸庶中正
者皆庶幾其無過忒也於是刑之罰之又當審克
之也此言聽獄者當盡其心也若是則獄成於下
而民信之獄輸於上而君信之其刑上備有弁兩
刑者言上其斷獄之書當備情節一人而犯兩事

罪雖從重亦并兩刑而上之也。此言讞聲上獄者當備其辭也。

王曰嗚呼敬之哉官伯族姓朕言多懼朕敬于刑有德惟刑今天相民作配在下明清于單辭民之亂罔不中聽獄之兩辭無或私家于獄之兩辭獄貨非寶惟府辜功

報以庶尤求畏惟罰非天不中惟人在命

天罰不極庶民罔有令政在于天下

此總告之也。官與獄之官也。伯諸侯也。族同族姓。異姓也。朕之於刑言且多懼。况用之乎。朕敬于刑者畏之至也。有德惟刑厚之至也。今天以刑相治斯民。汝實任責作配在下可也。明清以下敬刑之事也。獄辭有單有兩。單辭者無證之辭也。聽之為尤難。明者無毫之蔽。清者無一點之污。曰明曰清。誠敬篤至。表裏洞徹。無少私曲。然後能察其情。

也。亂治也。獄貨。音獄。而得貨也。府聚也。辜功。猶云罪狀也。報以度。度者降之百殃也。非天不中。惟人在命者。非天不以中道待人。惟人自取其殃禍之命。爾此章文有未詳者。姑缺之。

王曰。嗚呼。嗣孫。今往。何監。非德于民之中。

尚明聽之。哉。哲人。惟刑。無疆之辭。屬于五

極。咸中有慶。受王嘉師。監于茲。祥刑。

此詔來世也。嗣孫。嗣世子孫也。言今往何所監視。

非用刑成德而能全民所受之中者乎。下文哲人。即所當監者。五極。五刑也。明哲之人。用刑而有無窮之譽。蓋由五刑咸得其中。所以有慶也。嘉善師。衆也。諸侯受天子良民善。衆當監視于此。詳刑申言以結之也。

文侯之命

幽王為大戎所殺。晉文侯與鄭武公迎太子。且曰。立之。是為平王。遷於東都。平王以文侯為方伯。賜以鉅鬯。音揚。弓矢。作策書命之。史錄為篇。今文古文皆有。

王若曰。父義和。不顯文武。克慎明德。昭升

于上。敷聞在下。惟時上帝。集厥命于文王。

亦惟先正。克左右昭事。厥辟越。小大謀猷。

罔不率從。肆先祖懷在位。

同姓故稱父文侯名仇義和其字不名者尊之也
不顯者言其德之所成克謹者言其德之所修昭
升敷聞言其德之所至也文武之德如此故上帝

集厥命於文王亦惟爾祖父能左右昭事其君於
小大謀猷無敢背違故先王得安在位。

嗚呼。閔予小子。嗣造天丕愆。殄資澤于下。

民。侵我國家。純即我御。事罔或著。壽俊

在厥服。予則罔克。曰惟祖惟父。其伊恤朕

躬。嗚呼。有績予一人。永綏在位。

歎而自痛傷也閔憐也嗣造天丕愆者嗣位之初

為天所大譴父死國敗也殄絕純大也絕其資用
惠澤於下民本既先撥故戎狄侵陵為我國家之
害甚大今我御事之臣無有老成俊傑在厥官者
而我小子又材劣無能其何以濟難又言諸侯在
我祖父之列者其誰能恤我乎又歎息言有能致
功予一人則可永安厥位矣蓋悲國之無入無有
如上文先正之昭事而先主得安在位也

父義和汝克昭乃顯祖汝肇刑文武用會
紹乃辟追孝于前文人汝多脩扞我于艱

若汝予嘉

顯祖文人皆謂唐叔即上文先正昭事厥辟者也
後罔或者耆壽俊在厥服則刑文武之道絕矣今刑
文武自文侯始故曰肇刑文武會者合之而使不
離紹者繼之而使不絕前文人猶云前寧人汝多
所修完扞衛我于艱難若汝之功我所嘉美也

王曰父義和其歸視爾師寧爾邦用賚爾
秬鬯一卣彤弓一彤矢百盧弓一盧矢百

馬四匹父往哉柔遠能迺惠康小民無荒

寧簡恤爾都用成爾顯德

師衆也。黑黍曰秬。釀以鬯。尊也。諸侯受錫命。當星其始。相故賜也。彤赤。盧黑也。諸侯有大功。賜弓矢。然後得專征伐。馬供武用。四匹曰乘。侯伯之賜。無常。以功大小為度也。簡者。簡閱其土。恤者。惠恤其民。都者。國之都鄙也。○蘇氏曰。予讀文侯篇。知東周之不復。扶又興也。宗周傾覆。禍敗極矣。平王宜若。衛文公越句。句踐狀。其書乃旋。

旋焉與平康之世無異。春秋傳去聲曰。厲王之禍。諸侯釋位。以間去聲王政。宣王有志。而後效官。讀文侯之命。知平王之無志也。愚按史記。幽王娶於申。而生太子宜臼。後幽王嬖褒姒。廢申后。去太子申侯。怒與繒西夷太戎攻王。而殺之。諸侯即申侯而立。故太子宜臼。是為平王。平王以申侯立。已為有德。而忘其越。又為當誅。方將以復讎討賊之衆。而為成申。成許之舉。其忘親背音背義。得罪於天。已甚矣。何恠其委靡頽墮。而不自振也哉。然則是命也。孔子以其猶能言文武之舊。而存之。歟。抑亦以示戒於天下後世。而存之歟。

費誓

費音地地名淮夷徐戎並起為寇魯侯征之於
費誓魯故以費誓名篇今文古文皆有○曰
氏曰伯禽撫封於魯夷戎妄意其未更事且
乘其新造之隙而伯禽應之者甚整暇有序
先治戎備次之以除道路又次之以嚴部伍
又次之以立期會先後之序皆不可紊又按
費誓秦誓皆侯國之事而繫於帝王書末者
猶詩之錄商
頌魯頌也

公曰嗟人無譁聽命徂茲淮夷徐戎並興

善敎乃甲冑敵乃干無敢不弔備乃弓矢
鍛乃戈矛礪乃鋒刃無敢不善

漢孔氏曰徐戎淮夷並起寇魯伯禽為方伯帥諸
侯之師以征歎而敎之使無譁諱欲其靜聽誓命
蘇氏曰淮夷叛已久矣及伯禽就國又脅徐戎並
起故曰徂茲淮夷徐戎並興徂茲者猶曰往者云
義縫也縫元其甲冑勿使斷毀敵節氏云猶繫

也王肅云敵稍建尹當有紛繫持之乎猶至也
鏃取內反謂鏃而礪磨也甲冑所以衛身考失戈
示所以古敵先自衛而後攻之亦其序也

今惟淫舍牯牛馬杜乃獲殺乃罪無敢傷

牯牯之傷汝則有常刑

淫大也牯開牧也獲機檻也斂塞入也師既出牛
馬所舍之開牧大布於野當塞其獲罪一或不
謹而傷開牧之牛馬則有常刑此令軍在所之居
民也舉此例之凡川梁數叟澤險阻并翳音丙有

害於師屯者皆在矣此除道路之事

馬牛其風臣妾逋逃勿敢越逐祇復之我

商賚汝乃越逐不復汝則有常刑無敢寇

攘踰垣墻竊馬牛誘臣妾汝則有常刑

後人賤者男曰臣女曰妾馬牛風逸臣妾逋亡不
得越軍壘而逐之失主雖不得逐而人得風馬牛
逃臣妾者又當敬還之我商度多寡以賞汝如或
越逐而失在不復而攘取皆有常刑有故竊奪踰

垣墻竊入牛馬誘人臣妾者亦有常刑此嚴部伍之事

甲戌我惟征徐戎時乃稊糧無敢不逮汝則有大刑魯人三郊三遂時乃楨榦甲戌我惟築無敢不供汝則有無餘刑非殺魯人三郊三遂時乃芻粟無敢不多汝則有大刑

甲戌用兵之期也時儲備也糗糧食也不逮若今之乏軍興淮夷徐戎並起今所攻獨徐戎者蓋量敵之堅瑕緩急而攻之也國外曰郊郊外曰遂天子六軍則六鄉六遂大國三軍故魯三郊三遂也楨榦榦築之木題曰楨牆端之木也旁曰榦牆兩邊障土者也以是日征是日築者彼方禦我之攻勢不得擾我之築也無餘刑非殺者刑之非也但不至于殺爾芻粟供軍牛馬之用軍以期會芻糧為急故皆服大刑楨榦芻粟獨言魯人者地近而致便也

秦誓

左傳杞子自鄭使告于秦曰鄭人使我掌其北門之管若潛師以來國可得也穆公訪諸蹇叔蹇叔曰不可公辭焉使孟明西乞白乙伐鄭晉襄公帥師敗秦師于殽囚其二帥穆公悔過誓告群臣史錄為篇今文古文皆有首之為誓第一義也將舉古人之言故先發此

公曰嗟我士聽無譁予誓告汝群言之首

古人有言曰民訖自若是多盤責人斯無難惟受責俾如流是惟艱哉

訖盡盤安也凡人盡自若是多安於徇己其責人無難惟受責於人俾如流水畧無扞格是惟難哉穆公悔前日安於自徇而不聽蹇叔之言深有味乎古人之語故舉為誓言之首也

我心之憂白日逾邁若弗之來

已然之過不可追未遷之善猶可及憂歲月之逝

若無復有來日也。

惟古之謀人則曰未就事忌惟今之謀人
姑將以為親雖則云然尚猷詢茲黃髮則
罔所愆。

忌疾姑且也古之謀人老成之士也今之謀人新
進之士也非不知其為老成以其不就已而忌疾
之非不知其新進姑樂其順便而親信之前日
之過雖已云然然尚謀詢茲黃髮之人則庶罔有

所愆蓋悔其既往之失而冀其將來之善也。

番番良士旅力既愆我尚有之
射御不違我尚不欲惟截截善論
子易辭我皇多有之。

番番老貌。伐伐勇貌。截截辨給貌。論巧也。皇道通
旅力既愆之良士前日所詆墓木既拱者我猶庶
幾得而有之射御不違之勇夫前日所誇過門起
乘者我庶幾不欲用之勇夫我尚不欲則辨給善

巧言能使君子變者勿其辭說者我違暇多有之哉
良士謂襄叔勇夫謂二十帥論言謂杞子先儒皆謂
穆公悔用孟明詳其甚意蓋深悔用杞子之言也
昧昧我思之如有一介臣斷斷猗無他技
其心休休焉其如有容焉人之有技若已
有之人之彥聖其心好之不啻如自其口
出是能容之以保我子孫黎民亦職有利

哉。

昧昧而思者深潛而靜思也介獨也大學作介斷
斷誠上之貌猗語辭大學作兮休休易直好善之
意容有所受也彥美士也聖通明也技才聖德也
心之所好甚於口
之所言也職主也

人之有技冒疾以惡之人之彥聖而違之
俾不達是不能容以不能保我子孫黎民

亦曰殆哉

冒大學作媚思也遠背音遠之也達窮達之達殆

危也蘇氏曰至哉穆公之論聲去此二人也前一人

似房玄齡後一人似李林甫後之人主監此是矣

邦之杌隍曰由一人邦之榮懷亦尚一人

之慶

杌隍不安也懷安也言國之危殆繫於所任一人之非國之榮安繫於所任一人之是申繳上三章

意

書經十卷大尾

